

INN PAN LAISINNA: NULEPATE LEH AKEM AKHOITE ADING THEIHSAKNA

Naupangte in inn pan lai a sin uh ciangin, a panpih ding ngaihsutna, cipteh ding thute leh zat ding resource-te

INN PAN LAISINNA TAWH KISAI

Na tano in inn pan lai a sin theih nadingin a thupi pen in nisim hunsehna bawlsak ding, panpih ding, leh thapiak ding ahi hi. Sangsia ding ahih keileh laisiam dingin kuama'n nang hong lamen loding hi.

Na tano' sang tawh nisim kizopna neih tawntung ding thupi mahmah hi.

Na tano' sang in:

- na tano' sia/siamahte tavuante teltakin a gen banah, sangnaupangte leh nulepate, akem akhoite sep dingte zong teltakin gen ding uhhi
- laisinna ah naupangte sep dingte pia ding uhhi
- kizop ngeinate mah pan nulepate leh sangnaupangte tawh kizom ding uhhi, Gtn, school website, laikhak leh email te pan
- na naupangte in inn pan a laisinna uh panpih nang in a zattheih ding uh online zatzia kisamte nulepate leh sangnaupangte hilh ding uhhi.

Inn ah computer ahi a, internet ahizongin na neih keileh, sanginn pan hong kihopih ding a, na naupang ading tua vante kop a kul ding hiam cih ahizong, na naupang in laisinna ah a kisam vante koici ngah theih ding cihte hong kuppah ding uhhi.

LAISIN NADING MUN GELSAK DING

Inn pen kibang kim lo hi. A lemna mun ah, lasinna ding mun pen innkuan in zattaangna mun khatpeuh hileh hoih hi. Gentehna, tawngakna innkhan tuam ahih keileh annekna khan cihbang. Tua munte in lupna-khan sangin lem zaw hi, lupna-khan hileh na naupang in amah guak tuamom kisa thei dinga, ukhak zaw thei lai ding hi.

Hih bang mun hileh hoih hi:

- a gamdaih theih denna mun
- nang na hih keileh ulian khatpeuh a omna mun.

AGAMLA LAISIN HUNSUNG SANGNAUPANGTE ZUIH DING THUTE

Na naupang ii kum leh tanh tawh kizui-in, a lunggulh ding uh pen:

- thupulakna digital platformte leh sia/siamahte kiang pan genkiknate a hunhun in et tawntung ding
- hih dingte na hih ciangin, siamtawp theihtawp in hih ding
- hun ciangtannate leh hun ciangtan ni te lap nading a hi thei zah in sem ding
- sia/siamahte tawh suakta takin kiho in, lunghihmawhna, hamsatna khempeuh siangtak gen ding
- sang ii gamtatzia ding thukhunte zui tawntung ding.

NISIM HUNSEHNATE LEH TUPNATE BAWL DING

Na naupang in inn pan lai a sin teh, a panpih ding nisim hunsehna khat bawl sak ding thupi hi. Tua in laisinna a thapia ding kimlepam hong pia hi.

Nisim a kipat hun leh a tawp hun va en den in, na tano panpih ding:

- sia/siamahte kiang pan lamlahnate thei in, ciantak in tel ding
- limtakin a kigin nading leh inn ah a laisinna uh thupi sak masa pen koih ding.

Pongman exercise bawl ding thapia ding. Sanginn pan in zuih ding thu pawlkhat hong gen ding uhhi.

Cidamna tawh kituak annek tuidawnte thapia in, tui tampipi dawn sak ding

Na tate khempeuh pongman ihmud hun nei sak ding, a diakdiak in a neulam te.

ONLINE ZAT HUN LEH ONLINE AH KIDOP DINGTE GELSAK DING

Na naupang in online en a hun a zat ding ciangin, online ah kidop dingte gen ding thupi mahmah hi. Tua in phattuamna ngah nading teelnate nei thei sak in, thulelate leh kizopna tawh kisai pilnate picingtakin zang thei ding hi.

Na naupangte tungah na gennop khak ding thute:

- A sang ahieh keileh Pilsinna leh Siamsinna Lam Zum (Department of Education and Training (DET) pan a kigen online ah zat dingte (online tools) te bek zang ding
- online ah khat le khat kihopih ciangin, maitang kimu aa kiho dan mah bangin, zahtakna nei ding
- digital setvante innsung gamzaina munte ah zang ding.

Nulepte leh akem acingte ading, online kidopzia dingte theihsaknate (Manglai in) a kicing zaw in:

www.esafety.gov.au

LUNGSIM CIDAMNA LEH CIDAM LUNGNOPNA SIT DING

Hun khat gelin, nisim na tano' lungsim cidamna leh cidam lungnopna sit zel ding thupi mahmah hi.

Sangkahpihte a mi in mulo a laisinna leh kikhelnate hangin nisim gamtatzia thakte a kisek nading uh tawlkhat sung hun sawt kha thei ding hi. Naupang khempeuh in hunpianzia thakte a thuakna uh kibanglo hi - dahna, nawngkaina, lunghihmawhna leh hehna dong ciang naleng ngaihsun uhhi.

Na naupangte na huh theih dan ding:

- a ngaihsutziante uh genkhuan pia ding, a thugente uh ngaih sak ding
- amau leh amau in a septheih lak ding ahieh keileh a lunghihmawh khak theih ding thute genpih ding
- agamla pan laisinna tawh kisai a ngaihsutziante uh dong ding, panpihna, huhna na kisap om hiam cih dong ding.

Na naupang ii cidamna leh cidam lungnopna tawh kisai lunghihmawhna dang na neih zenzen leh, sang hopih inla huhna ngen ding.

KISAP THUAH DANG TAWH KISAI NAUPANGTE' NULEPATE LEH ACING AKEMTE ADING THEIHSAKNA

na naupang in kispas thuah dang a neih leh, sia/siamahte tungah mimal pilsinna vaihawmna tawh kisai gen ding kilawm hi. Tua in inn pan a laisinna uh lam hong lak ding hi.

DET website (www.education.vic.gov.au/parents) sungah nulepate tawh kisai kigelhna laimai ah nulepate leh akem adonte in inn pan laisinna a panpihia ding uh Manglai in a kicing zaw in om hi.

Understanding learning difficulties for parents: a practical guide (Laisinna haksatnate nulepate in telcian ding: zattheih lian hilhcianna) kici hilhcianna kicing khat zong (Manglai in) om hi. Tua sungah laisinna ah hamsatnate banah recommend ngah appte tawh kisai zatpah theih ding hilhnate kihel hi.

www.uldforparents.com pan ki-en thei hi.

LAILAM LEH GANANTUAT PILNALAM RESOURCE-TE LEH THEIH DING THUTE

Na sang pan hong piak ding tua resource-te leh vanlenate banah, inn pan lai a sin uh teh, a nuai-a resource-te tawh zong na naupangte ki panpih thei ding hi. Tua resource khempeuh Manglai tawh ahi hi:

Lailam leh gananam pilna:

Na naupang ii lailam leh gananam theihna siamna khantoh nang nulepate leh acing akemte theih ding thute www.education.vic.gov.au pan ki download thei hi. Kantelna: *get involved in literacy and numeracy*

Kumpi Laisim Kidemna:

Tua challenge in suakcil pan Kum 10 dong naupangte leh sangnaupangte kum khat sung nambat sinna laibu kopkhat a sim nading uh tawsawn in thapia hi. www.education.vic.gov.au ah min ap in. Kantelna: *premiers reading challenge*

Inn ah ganantuat leh nambatlam theihna:

Nulepate leh akem acingte in naupangte gananam siamna a khantoh nadingin a thupi mahmah panmun nei uhi. Innkuanpihte ading theih ding thute leh resource-te www.education.vic.gov.au. pan ki download thei hi. Kantelna: *mathematics and numeracy at home*

© Victoria Gamke (State of Victoria) Pilsina leh Siamsinna Lam Zum (Department of Education and Training) 2020. [Ciptehna](#) om te lobuang, hih lai sunga om thute [Creative Commons Attribution 4.0 International](#) nuai ah a kipia sa ahi hi. [copyright notice](#) a kicingin kantel in

[Inn pan laisinna: Nulepate leh akem acingte theih ding thute - Manglai](#)